

## Universitätsbibliothek Paderborn

**Vita Beati P. Philippi Nerii Florentini. Congregationis  
Oratorii Fvndatoris**

**Gallonio, Antonio**

**Mogvntiæ, 1602**

Aluminum in morte mirabiliter adiuuat.

**urn:nbn:de:hbz:466:1-43172**

gilitas est , labore victus, dæmone  
follicitante, exuta Religiosorum ve-  
ste Ægyptum repetet: nec euentus  
defuit. De hoc ipso Ioan. Baptista  
narrauit ille Dominico Saraceno,  
eius faciem ab se eximio quodam  
fulgore coruscantem conspectam  
fuisse: is itaque iij Kal. Maias Domi-  
nicanæ adscriptus familiæ , Petri  
Martyris nomen induit, atq; apud  
socios auctoritatis habuit plurimū,  
Generalis locum tenuit ordinis  
Vicarius renunciatus, deceffitque  
sanctè, pieque.

*Alumnum in morte mirabiliter adiuuat.*

**H**Abebatur eodem anno inter  
Philippi filios iuuenis quidam  
Gabriel Tana ortu Mutinensis: hic  
inter Aulicos Ioannis <sup>a</sup> Cardinalis  
Politiani magna cum vitæ integri-  
tate viuebat, bis per hebdomadam  
peccata confitens , Eucharistia-  
que saluberrimo sese cibo reficiens:  
cumque sic vitam institueret, inci-

dit

<sup>a</sup>  
Eius rei hi-  
storiā qui  
adfuit Ia-  
cobus Mar-  
mitta Ita-  
lice cōscri-  
psit. Inter-  
fuere eidē  
sp. et aculo  
quot è Phi-  
lippi schola  
erant, quo-  
rum maior  
pars hodie  
superstes  
est.

dit in morbum, à quo cum nec medicorum arte, nec medicinæ remedijs leuari tantisper posset, vltimam vitæ horam, quam sibi instare sensit, more hominum horrere cœpit, mori vrebatur, viuere cupiebat, respondebatque his qui eum solabuntur; de me quod Deo libitum est fiat, ipse me ad eius volūtatem conformo, ipse me totum illi committo: tamen cum caro spiritui adueretur, diuturniorem vitam in terris agere recepta valetudine cupio, & Philippo, qui de vitæ statu ipsum interrogarat, latus sum, dixit, despe, quam habeo è præsenti morbo conualescendi. Hic ille diaboli insidias præsentiens, vt qui de eius morte diuina iam reuelatione cognouerat petit ab eo primùm vt suum sibi velile, suumque nolle traderet, deinde astantes precibus insistant, monet. Tum ille precari aggressus eo spiritus ardore orauit, vt rediens, supplicatione completa, ad moribundū,

cius-

Christi  
1558

Pauli IIII. Pap.  
4

Ætatis  
44

125

*Philipp. I.*

eiusmodi in eo inuenierit animi mutationem, ut cum Apostolo iam diceret: Cupio dissolui, & esse cum Christo. Hæc dum magno sensu proferret, Philippum intuitus vultu in eam partem conuerso, Ora pater clamat, ut in Paradisum quanto- cius fieri potest, ingredi merear: vi- tæ odium cœpi, vitaque mihi molesta valde est ea causa, ut cum Deo sim: astantesque subinde respiciens date mihi ait, sanctissimam Crucifi- xi imaginem, illamque porrigite, quæ vsui fuit Iulio colligæ meo ani- mam agenti, qua accepta totus præ dulcedine perfundebatur lacry- mis. Hortabaturque præterea ex in- teruallo sodales, ut Deo ex animo deseruiren, cunctis huius sæculi va- nitatibus neglectis, in has sæpè pro- rumpens voces: vita præsens, credi- te vobiscum loquenti, mihi fastidio est: mori vellem, ut Deum meum contemplari possem assiduè. Hæc effatus Philippum appellans, ad hæc

diem

diem oraui te Pater, vt cum Deo a-  
geres saluti me restitueret, nunc cro-  
go te quām studioſimē poffum, vt  
orationibus me tuis ex ergastulo  
corporis liberes, atque ſalvas.

Interea deficienſibus in eo viri-  
bus corporis, die ſequenti, qui fuit  
Kal. Septembris, & vitæ eius poſtre-  
mus, in id totus, iam ſublimium ap-  
petēs, incumbuit vt ſe ad pię, Chri-  
ſtianèque moriendum præpararet.  
Erant apud eū affiduè ex ſchola Bea-  
ti Patris quamplurimi, quibuscum  
& ipſe aderat Pater, qui tandem apud  
eum eſſe voluit, dum in vſperam  
inclinaret dies, quo tempore ite-  
rum dicere cœpit æger; in cælum  
proficiſci cupio Pater, hoc vnum ex  
omnibus mihi cordi eſt: cui cum  
reſponderet Philippus; ſi Deo pla-  
ceret, vt præſentem morbum diu-  
tiuſ ſuſtineres, nōne volūtatē eius  
cupiditati tuæ præferres? tum Ga-  
briel, & quid eſt hoc verbum? iā di-  
xi tibi ſæpius ex corporis vinculis

in

in cælum æmigrare ardenter cupio;  
adeò rotus Dei videndi ardeo cupi-  
ditate , vt nulla res me grauius af-  
ficiat quàm hic manere diutius : er-  
go precare Dominum, vt ante quin-  
tam noctis horam ad eum euolem:  
tum Philippus, quod petisti, conse-  
queris; id tamen te monitum velim,  
dæmonem multas tibi paraturum  
insidias , varijsque temptationibus  
(quas singillatim enumerauit ) ani-  
mi tui constantiam aggressurum;  
sed nulla in re , crede mihi, nocere  
tibi poterit, si memoria , vel maxi-  
mè retinebis , te voluntatem tuam  
dedisse Deo; caueas ne quicquā for-  
mides , Christus in te ipse vincet o-  
mnia. In profectione verò (domum  
enim remigrare precatum diuinam  
clementiam pro illo in animo ha-  
bebat) ægrum Ioanni Baptistæ Sal-  
uiato, & Francisco Mariæ Taurusio  
commendat , iubetq; se necessitate  
ingruente accersiri.

Vix hora abierat , cum Gabrieli

com-

comparanti se ad quam religiosissi-  
mè decedendum eam obiicit men-  
tem diabolus, ut cogitare cœperit se  
iustum esse, nulloque pacto sibi de-  
æterna felicitate ambigendum. cū-  
que qui assidebant, nocturnas agen-  
tes excubias, litanias pro eo recita-  
rent, cum ventum esset ad illam  
precationem, A mala morte libera  
eum Domine, subrisit ille, caputq;  
agitans aliquantulū secū ipse dicere  
cœpit: Is in cuius corde Christus in-  
habitat, liber est ab malæ mortis pe-  
riculo: quibus dictis, et si initio non  
nihil ea tentatione commotus, ta-  
men vbi se collegit, cogitans quod  
dixerat, illam à se reiicere omni stu-  
dio contendit, clamans, dicensque,  
quæ est hæc suggestio diabolica quæ  
me inuasit? vestris quæso fratres o-  
rationibus adiuuate me.

Nec hic finis certaminis: Eius-  
nim virtute victus infestissimus ho-  
stis aliud pugnæ genus perdendi eius  
gratia excogitauit: Ergo impedire

eum

eum omni studio cœpit, ne sanctissimum Iesu nomen pronunciare posset: Rogarat enim ille amicos, ut supremis appropinquanti id nomen in memoriam redigerent, quod invocare summopere cupiebat. Quā obrem clamare cœpit, dicereq; *Eia fratres opem fert, pronunciare nequeo, nequeo prorsus; succurrite itaque mœsto, succurrite laboranti: cumque rogaretur, quid esset, quod proferre non posset, annè sanctissimum Iesu nomen annuit illico, versusque ad Iacobum Marmittam.* Quid hoc inquit, rei est quod Iesum invocare nequeam? atqui ex his summa vis demonis dignoscatur; quandoquidem cum id nomen clara voce inclamaret, videbatur nihilominus sibi illud exprimere neutiquam posse; astantibus, qui monebant, ut quod ore dicere nequeret, corde tacitus proferret, in hæc verba respondit; graue iam mihi videtur fratres, Sanctissimum Iesu no-

men appellare , quinimò eò reda-  
ctus esse miseriarum mihi videor,  
vt eius ne sonum quidem sustinere  
vix possim.

In hac tam ac ripugna,in qua cir-  
cunstantium sermone, cohortatio-  
neq; eius virtus cōfirmabatur,labo-  
rauit plurimùm, sed cum ea tenta-  
tio hominem adhuc vrgeret vehe-  
mentius, vt totus iam præ animi an-  
xietate , & corporis defatigatione  
sudore maderet, visū est amicis nun-  
tiū mittere ad Philippum , cuius  
aspectu æger mirificè recreatus, sā-  
pius tanti viri hortationibus vnà cū  
eo sanctissimum Iesu nomen expe-  
ditā lingua inclamauit; mi Iesu(aie-  
bat) mi amor, mi sponsus. quibus di-  
ctis , mox secum ipse, ac cum amicis  
querebatur de tā graui certamine,  
quod integrum circiter horam dæ-  
monis arte sustinuerat. Cumq; lectus  
sic esset, cœpit iterum non multò  
post clamare; Eia Pater, filio succur-  
re tuo ; eadem qua ante teneor diffi-

cultate

cultate sanctissimum Iesu nomen pronunciandi. Hæc cum ille dixisset, Philippo pro illo precibus insistente, mox ea liberatus molestia Iesum libera voce, magnoque sensu Crucifixi imaginem intuitus, idem appellabat.

Interim cum quieto iam animo esset, ecce rursus satan, qui, quem his (de quibus diximus temptationibus) superare nequuerat, infidelitatis assimilatione supplantare, atq; euertere aggreditur; ei itaque res nostræ religionis ita repræsentauit, vt videretur sibi de fide dubius esse, obiiciebatq; præterea animo ex eo morbo surrecturum omnino. Interhas itaque res variis agitatus curis nouas diaboli fraudes Philippo aperit, rogatque se adiuuet, quo amissam conscientię pacem recuperare, dæmone inque vincere possit: cui ille; contemne fili, contēne diabolicas hasce machinationes, dic, credo, credo. quæ verba, quamquam

vnā cum Beato Patre repebat cre-  
brius , tamen cum ipse sibi videre-  
tur in his, quæ ad fidem spectant, su-  
spenso animo esse, affer tu itaque  
pater , iterum clamat afflictissimo  
opem, ne peream. His verbis com-  
motus Philippus, cuius pectus arde-  
bat charitate, circūstantibus primū,  
deinde egroto iniunxit, vt Symbolū  
Apostolorum clara voce pronun-  
ciaret, idque si ore prestare non pos-  
set, corde saltem vnā cum alijs reci-  
tare conaretur. Tum in preces sele-  
dante, exemplò omnis illa diaboli-  
ca tentatio euanescente cœpit maxi-  
mo cum solatio morientis, qui pau-  
lis per respirās, satanicis illis laqueis  
absolutus, dæmoni recepto animo  
his verbis insultat , te inuito cre-  
dam, velis nolis, credam. Deo meo,  
repugnant te, quoad vixero fidelis  
ero assiduè : quæ cum effaretur, a-  
stantibus Apostolicum Symbolum  
recitandi finem facientibus, ab eius  
modi molestia , corpore licet fessus

(vires

(vires enim illi minuerat ea cum  
diabolo pugna) prorsus quieuit.

Diabolus interim et si s̄epe victus,  
sed quæ est eius inuidia in humanū  
genus, tertio in eum insurgit: pugna  
autem grauissima ac periculosa, ea-  
que prioribus & immanior, & into-  
lerabilior, ecce quippe tibi, offert  
se fœda facie, & horribili ad aspe-  
ctum diabolus, vt injciat morienti  
terrorem, eumque ad desperatio-  
nem inducat, perinde quasi eò ille  
redactus esset, vt vnde salutē sperare  
posset, non haberet: Erat itaque iu-  
uenis inter has curas graui pressus  
mœstiā, totusque præ horrore, ac  
timore contremiscebat, seuero, tri-  
stiq, vultu, terribilibus oculis (faciē  
enim mutauerat) cuncta mirabun-  
dus circumspiciebat, è gestu dēmo-  
nem se videre ostendebat, dicebat  
que secū ipse; Heu, heu quam infelix  
es Gabriel! heu quot commisisti fla-  
gitia ! O me miserum ! pelle Pater  
hos canes <sup>a</sup> colore nigerrimos, qui

*Dæmonem  
canis specie  
apparere*

	134	Christi 1558	Pauli IIII. Pap. 4	Ætatis 44
<i>solutum tradist pater ceteros Leontius Episcopus in Simeone Salo c. 25. apud Sur. tom. 4. &amp; Petrus Da- mianus in Romoaldo cap. 67. &amp; Iacobus Vitriacus lib. 2. Vita S. Marie Oegnia- cen. c. 3.</i>  <sup>a</sup> <i>Canticor. cap. 2.</i>			me circumstant: si me Pater amas, hos dæmones fuga, pelle eos: cuius necessitati occurrens Philippus, cō- firmat timentem, excitat fidem, cō- memorat diuinam misericordiam, ad eam confugiat, hortatur, Christū pro eo passum monet, rogatq; vt v- nā cum sponsa <sup>a</sup> in foramina petræ inq; cauernā maceriaz sese recipiat, vbi pax summa est, victoriam polli- cetur. Quibus dictis, flexis mox ad fundendas pro eo preces humi ge- nibus, lectulo innixus dæmonem in- crepauit; iubeo tibi Christi nomine, vt hinc abeas quamprimum: cuius virtuti cum ea mōstrorum turbare sistere nequiret, illico aufugit, iuu- nem relinquens lætitia gestientem, exclamantemq;; cia fratres gaudea- mus, effugiunt canes, Philippus eos peculit, importunos illos vexatores procul abegit; videte eos, videte (lo- cum digito ostendebat) fugam arri- puerunt, fugiuntq; velocissimè, ver- bis dici non potest tantum, quan- tum	

tum re ipsa deformes sunt : ergo vicimus , diabolicam importunitatem superauimus , fugistis tandem miseri , fugistis , vobis hoc insperantibus , atque inuitis , libertiam millies Iesum inuocare .

Atque in hunc modum spiritu exultans , versus ad sanctissimam Crucifixi imaginem , quam unus ex circumstantibus tenebat in manu , eo animi ardore orauit , ut nemo ex iis , qui aderant , lacrymas tenere potuerit : cernere erat eum totum esse in agendis gratiis , commemorando que quod à Deo acceperat , beneficio , atq; inter hæc dicentem ; mi Iesu dulcissime , mi amor , mi creator , mi redemptor , quis enumerare poterit unquam quæ à te acceperim beneficia ? tum ad amicos conuersus ; o quæ fratres , hisce ego vidi oculis ! monentem rogo audiatis , Deo Optimo Maximo vos totos tradere ne grauemini : quid causæ est bone Iesu , quòd ego loqui vix possim ? tra-

datur mihi quæso Crucifixi Imago,  
eam in manu tenere quantū cupiā,  
explicare vix possum : In ea querelati-  
giosissimè exosculanda has iterabat  
voces ; Dominus meus Iesus Chri-  
stus perpetuò viuat, qui erit dulcissime  
Iesu, qui me à charitate tua se-  
parare possit? postira in dæmonem  
commotus: & quid de me cogitabat  
miser nisi morientē fallacijs à Chri-  
sti fide abducere ? Quid isthuc mi-  
Deus? fidem, quam iam inde à pue-  
ro suscepi, mutabo? absit. Discedite  
à me omnes, qui operamini iniqui-  
tatem: & paulo post; nōne de Chri-  
sto in sacris legimus literis, Ego sum  
via, veritas, & vita? Ergo si Christus  
veritas est, & is ipse sacratissimam  
suam nos legem edocuit, qui igitur  
fieri poterit, ut de eius certitudine,  
veritateque dubitem? o nequissi-  
mum dæmonem ! o flagitiosissimū  
eiusque sitis, Deo scilicet gratias a-  
gendi, dæmonumque imbecillitati  
insultandi, expleri dicendo non po-  
terat

Ioan. 10.

terat, quin accendebatur magis; sed cum videret Beatus Pater eum in his plus nimio defatigari, vt vires imminueret, suspicatus ne exitum sibi ipse his motibus acceleraret; iam satis inquit, est fili: mendacem, impiumque dæmonem missum facias velim, totam spem tuā in Deo, inque sanguine eius preciosissimo, quem pro te fudit, colloces moneo; ipse enim tibi victoriam largitus est: is ipse in te, ac pro te dæmonem vicit iniquissimum. Quibus verbis motus Gabriel paulisper interim acquieuit; sed haud multò post maioris quietis desiderio astantes rogauit, ne de cetero vel ad modicum tempus sibi quicquam dicerent; proditor enim ille, adiecit (dæmonem intelligens) me plus nimio affixit grauissimè.

Interea astantes, quòd Gabrielem, & expedita lingua loquentem, & viribus valentem viderant, planè credere cœperunt, eum ad sequen-

tem usq; diem vitam producturum;  
idque cum Damianus Valentinus,  
qui ægrotum curabat , ad Philip-  
pum detulisset; haud ita erit respon-  
dit ille,vbi fitum mutabit, illico mori-  
rietur, nec incassum verba, siquidē  
vix medietas horæ abierat , cum ille  
se ad eā partem componēs , vbi Phi-  
lippus erat ; Christi nomen eius o-  
pera inclamans , in manus Iesu tan-  
quam ad nuptias euocatus, spiritum  
exhalauit, anno huius sæculi quin-  
quagesimo octauo , tertia hora no-  
ctis: quod quidem spectaculum ita  
eos excitauit , qui aderant morien-  
ti, ut ex iis nemo esset, quin toto iam  
pectore cogitare cœperit de extre-  
mo ipso certamine , in quo uno tota  
res nostra agitur.

*Apparet in mari periclitanti.*

<sup>a</sup>  
*Eam rem  
iurati re-  
stes qua-  
tuor affir-  
mant.*

**H**oc ipso anno duo ex eius filijs  
spiritualibus, Italus unus, Gal-  
lus alter; <sup>a</sup> huic Aloysio erat nomen;  
Itali , qui aulicuserat Guid. Ascanij

Card.